





ՋՐՈՐՆՁԱՅ ԱՐԱՐՈՂՈՒԹՅԱՆ ԸՆԹԱՅՓՈՒՄ. ԳԱՆԵԳԻՆ Բ ԱՄԵՆԱՅՆ ՆԱՅՈՑ ԿԱԹՈՂԻԿՈՍԸ
ՍՐԲԱՎՈՒԹՅՍ ՄՅՈՒՌՈՆԸ ՆԵՂՈՒՄ Է ՋՐԻ ՄԵՋ. ԽԱՉԻ ԿՆՔԱՆԱՅՐՆ Է ԳԱՄԼԻԿ ՆՈՎԱՓՅԱՆԸ

Ս. ԾՆՆԴՅԱՆ ԵՎ ԱՍՏՎԱԾԱՀԱՅՏՆՈՒԹՅԱՆ ՏՈՆԸ ՄԱՅՐ ԱԹՈՒ Ս. ԷԶՄԻԱԾՆՈՒՄ

Հունվարի 6-ին աշխարհասփյուռ Հայաստանյայց Առաքելական Սուրբ Եկեղեցին տոնախմբեց մեր Տեր և Փրկիչ Հիսուս Քրիստոսի Սուրբ Ծննդյան եւ Աստվածահայտնության հրաշափառ տոնը:

Նախորդ օրը, հունվարի 5-ին, հավարտ երեկոյան ժամերգության, մասնակցությամբ Մայր Աթոռի միաբանության և խուռներամ հավատացյալների, Ճրագալույցի Սուրբ Պատարագ մատուցեց Մայր Աթոռի ավագ միաբաններից Ս. Ներսես արքեպիսկոպոս Պողոպալյանը: Ս. Պատարագից հետո կատարվեց նախատոնակ, որի ավարտին Նորին Սրբությունը ավետեց մեր Տիրոջ՝ Հիսուս Քրիստոսի Սուրբ Ծնունդը և Աստվածահայտնությունը:

Արարողության ավարտին Մայր Տաճարի բակը ողողվեց հարյուրավոր մոմերի լույսերով, որ հավատացյալները տանում էին իրենց հետ՝ լուսավորելու սեփական հարկերը Տիրոջ Սուրբ Ծննդյան կենարար լույսով: Իսկ Վեհարանում Նախատոնակին հաջորդեց Տնօրինների ավանդական արարողությունը, որ կատարեց միաբանությունը:

Հունվարի 6-ին Մայր Տաճարում Հայրապետական Սուրբ Պատարագ մատուցեց Ն.Ս.Օ.Տ.Տ. Գաբեգին Բ Ծայրագույն Պատրիարք և Ամենայն Հայոց Կաթողիկոսը:

Խաչերով ու խաչվառներով զարդարուն հայրապետական թափորը ☐Խորհուրդ խորին☐ շարականի երգեցողությամբ, ամպհովանու ներքո Ամենայն Հայոց Հայրապետին առաջնորդեց դեպի Մայր Տաճար՝ Սուրբ Պատարագ մատուցելու և տոնի առիթով իր պատգամը հղելու համայն հայությանը:

Նորին Սրբությունն իր պատգամում հորդորեց ապրել սիրով՝ Արարչին ապավինած. *«Արդ, ամենը, ինչ խորհում ու գործում է մարդը, սիրով թող լինի, Աստծո համար թող լինի, և կլինի աշխարհի խաղաղության ու շինության համար և կլինի մարդկանց ուրախության ու երջանկության համար՝ արժանի Տիրոջ գովասանքի խոսքին ու գնահատանքին» (տես էջ 3):*

Հավարտ Ս. Պատարագի Նորին Սրբությունը կատարեց Ջրօրհների արարողություն՝ որպես Քրիստոսի Մկրտության խորհրդանիշ: Այս տարի Ջրօրհների Խաչի կնքահայրն էր Արագածոտնի թեմի Չքնաղ գյուղի նորակառույց Ս. Ստեփաննոս եկեղեցու բարերար տիար Գառնիկ Հովսեփյանը:

Ս. Պատարագին և Ջրօրհների արարողությանը ներկա էին ՀՀ ԱԺ նախագահ Արթուր Բաղդասարյանը, ՀՀ նախարարներ, պետական այլ բարձրաստիճան պաշտոնյաներ, Գերագույն Հոգևոր Խորհրդի անդամներ, Հայաստանում հավատարմագրված օտարերկրյա դիվանագետներ, զինության ու մշակույթի գործիչներ:

Սրբազան Պատարագից հետո Վեհարանում տեղի ունեցավ պաշտոնական ընդունելություն: